

ՀԱՂՈՐԴՈՒՄՆԵՐ

Պ. Հարությունյան

ՄԻԹԱՐ ԲԵԿԻ ՄԱՀՎԱՆ ՏԱՐԵԹՎԻ ՄԱՍԻՆ

1720-ական թթ. Սեֆեյան պետություն քայքայման և անկման շրջանում Արևելյան Հայաստանում, Վրաստանում և Ադրբեջանում առաջացան զինված ապստամբություններ, ուղղված ինչպես իրանական, այնպես և թյուրքական նվաճողների դեմ: Արևելյան Հայաստանում՝ Սիսիանի, Ղափանի և Մեղրու շրջաններում ժողովրդական մասսաների պայքարը իրանական և թյուրքական զավթիչների դեմ գլխավորում էին Դավիթ բեկն ու նրա մերձավոր զինակից Մխիթար բեկը (Մխիթար սպարապետը)՝ Սյունիքի՝ Ղափանի ապստամբության, ինչպես և Դավիթ բեկի և Մխիթար բեկի մասին մանրամասն, բայց հակասական տեղեկություններ է հաղորդում գեպրեքին ականատես և ադատադրական շարժմանը մասնակից Ստեփանոս Շահումյանը, որի տվյալների համաձայն Դավիթ բեկը մահացել է 1728 թվականին, իսկ Մխիթարը սպանվել է Քնձորեսկ գյուղում 1730 թվականին: Սակայն Մխիթար բեկի ոտ սական կառավարությունն ուղարկած 1726 թվականի նամակը¹, ինչպես և մի շարք այլ տվյալներ ստիպում են մտածել, որ Դավիթ բեկի մահը տեղի է ունեցել մինչև այդ նամակի ուղարկելը (այսինքն՝ մինչև 1726 թ. մարտ ամիսը), իսկ Մխիթար բեկի Քնձորեսկում գտնվող գերեզմանաքարի վրա եղած արձանագրությունը ցույց է տալիս, որ վերջինիս մահը տեղի է ունեցել 1727 թվականին:

Նախքան այդ արձանագրության մասին խոսելը անհրաժեշտ ենք համարում նկատել, որ Քնձորեսկում կատարված գեպրեքի մասին վկայություններ կան ոչ միայն Ստեփանոս Շահումյանի մոտ, այլև արխիվային վավերագրերում: Այսպես, օրինակ՝ ռուսական կառավարության պատվիրակ Իվան Կարապետը, որը 1723 թվականի վերջերին Պետրոս 1-ինի հանձնարարությամբ եկել էր Ղարաբաղ՝ թյուրքական և իրանական նվաճողների դեմ ապստամբած հայերին օգնություն ցույց տալու նպատակով, 1724 թվականի հուլիսի 18-ին գրած իր նամակում հայտնում է, որ ինքը գնացել է նաև Ղափան, տեղի հայերին ցույց տվել ռուսական կառավարության ուկազը (հայերին օգնություն ցույց տալու մասին) և Ղափանի հայերը ոչ միայն ուրախությամբ են ընդունել այդ ուկազը, այլև միաբերան իրենց համաձայնություն են հայտնել լինել թագավորի (Պետրոս 1-ինի) հպատակները: Այնուհետև իր այդ նամակում Իվան Կարապետը գրում է, թե երբ ինքը Ղափանից վերադառնում էր Ղարաբաղ, ճանապարհին՝ Քնձորեսկ գյուղի մոտ նրա և նրան ուղեկցող զարարազցիների վրա հարձակվում են 200-ից ավելի պարսիկներ (բնագրում՝ «Քորգեր»): Քնձորեսկում բռնկվում է կռիվ Իվան Կարապետին ուղեկցող զարարազցիների և պարսիկների միջև:

¹ Տե՛ս Հայկական ՍՍՌ Գիտությունների ակադեմիայի «Տեղեկագիր», № 3, 1952, էջ 83 — 99:

Ապստամբ զարարագրիներին հաջողվում է ծարղել պարսկական այդ դորա-
խմբի գլխավորներին և հաջողությամբ վերագառնալ Ղարաբաղ¹։ Իվան
Կարապետի այս կարևոր վիճակը խոսում է խնամքի մասին վերաբերում է
1724 թվականի գեղարքերին և որևէ կոնկրետ պատկերացում չի տալիս, թե ինչ
է տեղի ունեցել խնամքի մասին²։ 1724 թվականից հետո, խնամքի մասին
կարևոր վիճակը խոսում էր կան նաև Արրահամ Կրետացու մոտ³։

Այդ մասին մեզ ստույգ տեղեկություններ է տալիս խնամքի մասին
գտնվող Մխիթար բեկի գերեզմանաքարը, որի վրա եղած արձանագրու-
թյունը հրատարակվել է Ե. Հալալյանի կողմից՝ «Աղգաղրական հանգեսում»⁴,
առաջին անգամ 1898 թվականին, և երկրորդ անգամ՝ 1905 թվականին⁵։

Ե. Հալալյանի այս երկու հրատարակությունների մեջ կան իրար հակա-
սող տվյալներ։ 1898 թ. հրատարակած արձանագրության մեջ Մխիթար բեկի
մահվան տարեթիվը գրված է ՌՃՀԶ (1176—1727 թ.), իսկ 1905 թվականին
Հալալյանը, առանց որևէ բացատրության, առաջարկում է 1727 թ. (ՌՃՀԶ)-ի
փոխարեն կարգալ ՌՃՀԹ (1730)։ Ե. Հալալյանի առաջարկած ՌՃՀԹ (1730)
թվականը համընկնում է Ս. Շահումյանի տեղեկություններին և այդ
թվականը հավանաբար էր ընդունելու պրոֆ. Լևոն և Ուրիշները⁶։

1898 թ. հրատարակված արձանագրության մեջ ասված է.

1. Այս է տապան ի հանգիսեան,
2. Իջեալ մարմնով ի գերեզման
3. Սայ Մխիթար մեծ անուանեալ
4. Սորա օնէր իշխանութիւն
5. Սա բեմութատ գնաց ջիվան
6. Որ է երկրէն սայ կանճուկեր:
7. Նահատակուեցաւ ՌՃՀԶ:

Երկրորդ հրատարակության մեջ (1905) առաջին տեղում «ի հանգի-
սեան» բառի փոխարեն գրված է «ի հանգստեան», իսկ 7-րդ տողում՝ «նա-
հատակուեցաւ ՌՃՀԹ»⁷։ Հրատարակելով գերեզմանաքարի վրա եղած ար-
ձանագրությունը, Ե. Հալալյանը լուրջաբար է մատնել և ոչ մի խոսք չի
ասել այդ գերեզմանաքարի վրա եղած քանդակների մասին, որոնք նույն-
պես կարևոր նշանակություն ունեն մեր պատմության որոշ հարցերի լու-
սարանման համար։

Դեռևս 1936 թվականին՝ Երևանի Պետական համալսարանի ուսանողական
էքսպեդիցիան, որի մեջ եղել ենք նաև մենք, տեղում արտագրեց այդ
արձանագրությունը, որը հետևյալն է.

¹ Архив Внешней политики России (ВПР), ф. Сношения России с Арменией, 1739, № 2, л. 64—65.

² Տես Արրահամ կաթողիկոսի Կրետացու պատմագրության անցիցն իւրոց և նատր-
շահին պարսից, Վաղարշապատ, 1870, էջ 74—75:


³ «Աղգաղրական հանգես», գիրք Դ., Թիֆլիս, 1898, էջ 35, գիրք XII, Թիֆլիս,
1905, էջ 197:

⁴ Լևոն, Հայոց պատմություն, հատ. 3, 1946, էջ 698, տես նաև Ա. Միրզոյան, Մխի-
թար բեկի կողմից ուսական կառավարությանն ուղղված ուղերձի հարցի շուրջը,
Հայկական ՍՍՌ Գիտությունների ակադեմիայի «Տեղեկագիր», № 8, 1952, էջ 98:

⁵ «Աղգաղրական հանգես», «Չանգեզուրի գավառ», 1898, էջ 35:

⁶ «Աղգաղրական հանգես», գիրք 12-րդ, Թիֆլիս, 1905, էջ 197:

«Այս է տապան ի հանդիսեան
Իջալ մարմնով ի զերեզման.
Սայ Մխիթար մեծ անուվան.
Սորա անէր իշխանութեան
Սայ րեմուրատ զնաց ջիվան,
Որ է երկրէն սայ կանճուվէր»:



Նկ. 1. Մխիթար րեկի տապանաքարի հարավային կողմի վրա
փորագրված արձանագրությունը:

ԱՅԱՏԱՂՅ՝ ԻՀԱԳԻՍԵԱՅ՝ ԻԶԱՎ ՄԱՌՎ
ԻԳԷՐԵԶՄԱՅ՝ ՍԱՅՄԽԻԶԱՆ՝ ՄԵԾԱՆՌՎԱՆ
ՍՌԱ ՕՆԵՐ՝ ԻՇԽԱՆՌԹԵԱՅ՝ ՍԱՅԲԵՄՌԻՐԱՏ
ԳԱՑ ՔԻՎԱՅ՝ ՌԷԵՐԿՐԷՆ՝ ՍԱՅԿԱՅՃՌՎԷՐ՝

Իերեզմանաքարի արևմտյան մասում (ոտքերի կողմը) գրված էր
«Նահատակեցան թվ. 1182»։ Այս գերեզմանաքարից ոչ շատ հեռու գտնե-
լով մի այլ տապանաքարի վրա գրված է «1182»։

Մխիթար րեկի տապանաքարի վրա, հիշյալ արձանագրությունից բա-
ցի, քանդակված են. 1) Երեք ձիավոր մարդիկ, առանց գլխարկի. վերջին
ձիավորը ձեռքին ունի սուր, մեջտեղի ձիավորը ձեռքին ունի բռնած հը-
րացան, իսկ առաջին ձիավորը՝ նիզակ։ 2) Մի փոքր էլ ավելի առաջ քան-
դակված են երկու մարդ (փաթաթած գլխարկներով) կանգնած, որոնցից
մեկը մի ձեռքում ունի հրացան, իսկ մյուսում՝ ծաղիկ, երկրորդ մարդն

ունի ձեռքին խաչ և հասկ: 3) Այս երեք ձիավորների և կանգնած երկու մարդկանց արանքում քանդակված է մի օձ. առաջին ձիավորի նիզակի ծայրը ուղղված է դեպի օձի գլուխը:

Դժվար է որոշակի ասել, թե իրենցից ինչ են ներկայացնում այդ



ՆՀԱՏ
ԱԿԵՑԱ
ԲՌԾԷ
Զ

Նկ. 2. Նույն տապանաքարի արևմտյան կողմի վրա
փորագրված է Մխիթար բեկի մահվան տարեթիվը
հետևյալ ձևով՝

քանդակները. մի րան կասկածից դուրս է, որ դրանք արձանագրության հետ միասին արտացոլում են ժամանակի դեպքերը:

Այսպիսով, այս տվյալները վկայում են, որ Մխիթար բեկի մահը տեղի է ունեցել 1727 թվականին: Այդ թվականը, ինչպես ասվեց, արձանագրված է ոչ միայն Մխիթարի տապանաքարի արևմտյան մասում (ՌԾԶ), այլև նրան մոտ գտնվող գերեզմանաքարի վրա (ՎՌԾԶ), որը նույնպես վկայում է, որ Մխիթարի մահը (սպանությունը), իրոք, տեղի է ունեցել 1727 թվականին: Կարելի է ենթադրել, որ Մխիթարի հետ սպանվել են նաև ուրիշները. թերևս այդ պատճառով էլ գերեզմանաքարի վրա (արևմտյան մասում) գրված է «Նահատակեցան» և ոչ թե «Նահատակեցաւ»: